

Serenissime Archidux

108 98

Mitto per manus P. Pizzoni Serenissime vestre Celsitudini, Instrumentum quoddam
quod Organum mathematicum appello; in quo summa facilitate traduntur illae Artes
mathematicae, ad quas Serenitatem vestram inclinari audio ^{ut supra Regibus et Principibus}
uti par est, nullo non tempore summo in honore habitas, ^{et ad quos s.v. quos in honore habetis.} ut si quando a grauioribus
negotijs libera fuerit, praeter alia animi oblectamenta et has habeat, quibus mentem
suam laudabili et uere regio studio refocillet. Ne uero in Organi huius praxi
intelligenda Celsitudo uestra Serenissima laboris forsan taedio grauata haerere hic
occurrentium dubiorum interprete, in meum locum D. Aloysium Kinnerum, et amicum
meum singularem et uirtutis suae merito Celsitudinis uestrae Seren. domesticum substituendum
duxi; qui uti mathematicis excelsissimus est, ita eam quoque facilitate Serenitatem uestram
huius Organi usum docturum confido; ut in eo uelut aliud agens sine molestia et capitis
grauamine, ubi et quando placuerit, magna animi sui uoluptate ^{sele} exercere possit.
Nihil igitur restat, nisi ut Ser. Vestra eo id animo a paupere philosopho acceptet
non auro et argento coopertum, sed ligneum Cartaceum munusculum, quo alia a me
similia a paupertate mea gloriae memoriae Pater eius Ferd. III. et hodie Leopoldus Augustissi-
mi Caesares acceptare non sunt designati. Quod si Ser. Vestra fecerit, ad maiora, quae gloriae
nomini eius reueruata sunt, preparanda, Stimulos adiciet. Vale Ser. Archidux, huius seculi decus
et uiuendum S.R.I. germen, quod ut in magnarum rerum emolumentum adolescat, a Deo Opt. Max. quam
obsecratis precibus contendo.

Roma 7 Augusti. anno 1661
Seren. Celsitud. V. S. R. I.

Seruus humillimus et dedit
Athanasius Kircher

